

唐詩三百首精選

編號	篇名	作者	編號	篇名	作者	編號	篇名	作者
01	獨坐敬亭山	李白	02	夜宿山寺	李白	03	雜詩	王維
過關	眾鳥高飛盡， 孤雲獨去閒。 相看兩不厭， 只有敬亭山。		過關	危樓高百尺， 手可摘星辰。 不敢高聲語， 恐驚天上人。		過關	君自故鄉來， 應知故鄉事。 來日綺窗前， 寒梅著花未？	
04	相思	王維	05	竹里館	王維	06	送別	王維
過關	紅豆生南国， 春來發幾枝。 願君多採擷， 此物最相思。		過關	獨坐幽篁裡， 彈琴復長嘯。 深林人不知， 明月來相照。		過關	山中相送罷， 日暮掩柴扉。 春草明年綠， 王孫歸不歸？	
07	鹿柴	王維	08	鳥鳴澗	王維	09	新嫁娘	王建
過關	空山不見人， 但聞人語響。 返景入深林， 復照青苔上。		過關	人閒桂花落， 夜靜春山空。 月出驚山鳥， 時鳴春澗中。		過關	三日入廚下， 洗手作羹湯。 未諳姑食性， 先遣小姑嘗。	
10	小松	王建	11	逢雪宿芙蓉山主人	劉長卿	12	梅花	李中
過關	小松初數尺， 未有直生枝。 閒即旁邊立， 看多長卻遲。		過關	日暮蒼山遠， 天寒白屋貧。 柴門聞犬吠， 風雪夜歸人。		過關	群木方憎雪， 開花長在先。 流鶯與蝴蝶， 不見許姻緣。	
13	憫農詩	李紳	14	宿建德江	孟浩然	15	江樓聞砧	白居易
過關	鋤禾日當午， 汗滴禾下土。 誰知盤中餐， 粒粒皆辛苦。		過關	移舟泊煙渚， 日暮客愁新。 野曠天低樹， 江清月近人。		過關	江人授衣晚， 十月始聞砧。 一夕高樓月， 萬里故園心。	

唐詩三百首精選

編號	篇名	作者	編號	篇名	作者	編號	篇名	作者
16	回鄉偶書	賀知章	17	清明	杜牧	18	贈別	杜牧
過關	少小離家老大回 鄉音無改鬢毛衰 兒童相見不相識 笑問客從何處來		過關	清明時節雨紛紛 路上行人欲斷魂 借問酒家何處有 牧童遙指杏花村		過關	多情卻似總無情 唯覺尊前笑不成 蠟燭有心還惜別 替人垂淚到天明	
19	秋夕	杜牧	20	下江陵	李白	21	送孟浩然之廣陵	李白
過關	銀燭秋光冷畫屏 輕羅小扇撲流螢 天階夜色涼如水 臥看牽牛織女星		過關	朝辭白帝彩雲間 千里江陵一日還 兩岸猿聲啼不住 輕舟已過萬重山		過關	故人西辭黃鶴樓 煙花三月下揚州 孤帆遠影碧空盡 惟見長江天際流	
22	出塞	王昌齡	23	金縷衣	杜秋娘	24	嫦娥	李商隱
過關	秦時明月漢時關 萬里長征人未還 但使龍城飛將在 不教胡馬度陰山		過關	勸君莫惜金縷衣 勸君惜取少年時 花開堪折直須折 莫待無花空折枝		過關	雲母屏風燭影深 長河漸落曉星沈 嫦娥應悔偷靈藥 碧海青天夜夜心	
25	鳥	白居易	26	烏衣巷	劉禹錫	27	楓橋夜泊	張繼
過關	誰道群生性命微 一般骨肉一般皮 勸君莫打枝頭鳥 子在巢中望母歸		過關	朱雀橋邊野草花 烏衣巷口夕陽斜 舊時王謝堂前燕 飛入尋常百姓家		過關	月落烏啼霜滿天 江楓漁火對愁眠 姑蘇城外寒山寺 夜半鐘聲到客船	
28	詠柳	賀知章	29	觀游魚	白居易	30	春雪	韓愈
過關	碧玉妝成一樹高 萬條垂下綠絲條 不知細葉誰裁出 二月春風似剪刀		過關	遶池閑步看魚遊 正值兒童弄釣舟 一種愛魚心各異 我來施食爾垂釣		過關	新年都未有芳華 二月月初驚見草 白雪卻嫌春色晚 故穿庭樹作飛花	

唐詩三百首精選

編號	篇名	作者	編號	篇名	作者	編號	篇名	作者
31	問劉十九	白居易	32	蘆花	雍裕之	33	四氣	雍裕之
過關	綠蠟新醅酒， 紅泥小火爐。 晚來天欲雪， 能飲一杯無？		過關	夾岸復連沙， 枝枝搖浪花。 月明渾似雪， 無處認漁家。		過關	春禽猶競轉， 夏木忽交陰。 稍覺秋山遠， 俄驚冬霰深。	
34	聽彈琴	劉長卿	35	送靈澈	劉長卿	36	江雪	柳宗元
過關	泠泠七絃上， 靜聽松風寒。 古調雖自愛， 今人多不彈。		過關	蒼蒼竹林寺， 杳杳鐘聲晚。 荷笠帶斜陽， 青山獨歸遠。		過關	千山鳥飛絕， 萬徑人蹤滅。 孤舟蓑笠翁， 獨釣寒江雪。	
37	登樂遊原	李商隱	38	渡漢江	李頻	39	尋隱者不遇	賈島
過關	向晚意不適， 驅車登古原。 夕陽無限好， 只是近黃昏。		過關	嶺外音書絕， 經冬復歷春。 近鄉情更怯， 不敢問來人。		過關	松下問童子， 言師採藥去。 只在此山中， 雲深不知處。	
40	登鸛雀樓	王之渙	41	伊州歌	蓋嘉運	42	答人	太上隱者
過關	白日依山盡， 黃河入海流。 欲窮千里目， 更上一層樓。		過關	打起黃鶯兒， 莫教枝上啼。 啼時驚妾夢， 不得到遼西。		過關	偶來松樹下， 高枕石頭眠。 山中無曆日， 寒盡不知年。	
43	秋夜寄邱員外	韋應物	44	八陣圖	杜甫	45	終南望餘雪	祖詠
過關	懷君屬秋夜， 散步詠涼天。 空山松子落， 幽人應未眠。		過關	功蓋三分國， 名成八陣圖。 江流石不轉， 遺恨失吞吳。		過關	終南陰嶺秀， 積雪浮雲端。 林表明霽色， 城中增暮寒。	

唐詩三百首精選

編號	篇名	作者	編號	篇名	作者	編號	篇名	作者
46	竹枝詞	劉禹錫	47	涼州詞	王翰	48	從軍行	王昌齡
過關	楊柳青青江水平 聞郎江上踏歌聲 東邊日出西邊雨 道是無晴還		過關	葡萄美酒夜光杯 欲飲琵琶馬上催 醉臥沙場君莫笑 古來征戰幾人回		過關	青海長雲暗雪山 孤城遙望玉門關 黃沙百戰穿金甲 不斬樓蘭終不還	
49	客中作	李白	50	芙蓉樓送辛漸	王昌齡	51	赤壁	杜牧
過關	蘭陵美酒鬱金香 玉碗盛來琥珀光 但使主人能醉客 不知何處是他鄉		過關	寒雨連江夜入吳 平明送客楚山孤 洛陽親友如相問 一片冰心在玉壺		過關	折戟沈沙鐵未銷 自將磨洗認前朝 東風不與周郎便 銅雀春深鎖二喬	
52	山行	杜牧	53	初春小雨	韓愈	54	山中答問	李白
過關	遠上寒山石徑斜 白雲深處有人家 停車坐愛楓林晚 霜葉紅於二月花		過關	天街小雨潤如酥 草色遙看近卻無 最是一年春好處 絕勝煙柳滿皇都		過關	問余何事棲碧山 笑而不答心自閒 桃花流水杳然去 別有天地非人間	
55	賈生	李商隱	56	絕句	杜甫	57	江南逢李龜年	杜甫
過關	宣室求賢訪逐臣 賈生才調更無倫 可憐夜半虛前席 不問蒼生問鬼神		過關	兩個黃鸝鳴翠柳 一行白鷺上青天 窗含西嶺千秋雪 門泊東吳萬里船		過關	岐王宅裡尋常見 崔九堂前幾度聞 正是江南好風景 落花時節又逢君	
58	泊秦淮	杜牧	59	閨怨	王昌齡	60	夜雨寄北	李商隱
過關	煙籠寒水月籠沙 夜泊秦淮近酒家 商女不知亡國恨 隔江猶唱後庭花		過關	閨中少婦不知愁 春日凝妝上翠樓 忽見陌頭楊柳色 悔教夫婿覓封侯		過關	君問歸期未有期 巴山夜雨漲秋池 何當共翦西窗燭 卻話巴山夜雨時	

唐詩三百首精選

編號	篇名	作者	編號	篇名	作者	編號	篇名	作者
61	詠鵝	駱賓王	62	登幽州台歌	陳子昂	63	山居夏日	高駢
過關	鵝鵝鵝， 曲行向天歌。 白鵝浮綠水， 紅掌撥清波。		過關	前不見古人， 後不見來者。 念天地之悠悠， 獨愴然而涕下。		過關	綠樹蔭濃夏日長， 樓臺倒影入池塘。 水晶簾動微風起， 滿架薔薇一院香。	
64	詠蛺蝶	康蕙蘭	65	夜上受降城聞笛	李益	66	九月九日憶山東兄弟	王維
過關	盤桓終日為花忙， 慣採花脂不睬香。 卻怕風雨摧弱質， 時翔時息復時藏。		過關	回樂峰前沙似雪， 受降城外月如霜。 不知何處吹蘆管， 一夜征人盡望鄉。		過關	獨在異鄉為異客， 每逢佳節倍思親。 遙知兄弟登高處， 遍插茱萸少一人。	
67	逢入京使	岑參	68	絕句	僧志安	69	滁州西澗	韋應物
過關	故園東望路漫漫， 雙袖龍鍾淚不乾。 馬上相逢無紙筆， 憑君傳語報平安。		過關	古木陰中繫短篷， 杖藜扶我過橋東。 沾衣欲濕杏花雨， 吹面不寒楊柳風。		過關	獨憐幽草澗邊生， 上有黃鸝深樹鳴。 春潮帶雨晚來急， 野渡無人舟自橫。	
70	雲	鄭準	71	絕句	杜甫	72	暮江吟	白居易
過關	片片飛來靜又閒， 樓頭將上後山前。 飄零盡日不歸去， 貼破清光萬里天。		過關	兩個黃鸝鳴翠柳， 一行白鷺上青天。 窗含西嶺千秋雪， 門泊東吳萬里船。		過關	一道殘陽鋪水中， 半江瑟瑟半江紅。 可憐九月初三夜， 露似真珠月似弓。	
73	春晴	王駕	74	城東早春	楊巨源	75	登山	李涉
過關	雨前初見花間蕊， 雨後全無葉底花。 蜂蝶紛紛過牆去， 卻疑春色在鄰家。		過關	詩家清景在新春， 綠柳纔黃半未勻。 若待上林花似錦， 出門俱是看花人。		過關	終日昏昏醉夢間， 忽聞春盡強登山， 因過竹院逢僧話， 又得浮生半日閒。	

唐詩三百首精選

編號	篇名	作者	編號	篇名	作者	編號	篇名	作者
76	玉階怨	李白	77	長干曲(一)	崔顥	78	長干曲(二)	崔顥
過關	玉階生白露， 夜久侵羅襪。 卻下水晶簾， 玲瓏望秋月。		過關	君家何處住？ 妾住在橫塘。 停船暫借問， 或恐是同鄉。		過關	家臨九江水， 來去九江側。 同是長干人， 生小不相識。	
79	漁翁	柳宗元	80	遊子吟	孟郊	81	送別	王維
過關	漁翁夜傍西巖宿， 曉汲清湘然楚竹。 煙銷日出不見人， 欸乃一聲山水綠。 迴看天際下中流， 巖上無心雲相逐。		過關	慈母手中線， 遊子身上衣。 臨行密密縫， 意恐遲遲歸。 誰知寸草心， 報得三春暉。		過關	下馬飲君酒， 問君何所之？ 君言不得意， 歸臥南山陲。 但去莫復問， 白雲無盡時。	
82	贈孟浩然	李白	83	送友人	李白	84	春望	杜甫
過關	吾愛孟夫子， 風流天下聞。 紅顏棄軒冕， 白首臥松雲。 醉月頻中聖， 迷花不事君。 高山安可仰？ 徒此挹清芬。		過關	青山橫北郭， 白水遶東城。 此地一為別， 孤蓬萬里征。 浮雲遊子憶， 落日故人情。 揮手自茲去， 蕭蕭班馬鳴。		過關	國破山河在， 城春草木深。 感時花濺淚， 恨別鳥驚心。 烽火連三月， 家書抵萬金。 白頭搔更短， 渾欲不勝簪。	
85	月夜憶舍弟	杜甫	86	旅夜書懷	杜甫	87	春夜喜雨	杜甫
過關	戍鼓斷人行， 邊秋一雁聲。 露從今夜白， 月是故鄉明。 有弟皆分散， 無家問死生。 寄書長不達， 況乃未休兵。		過關	細草微風岸， 危檣獨夜舟。 星垂平野闊， 月湧大江流。 名豈文章著？ 官應老病休。 飄飄何所似？ 天地一沙鷗。		過關	好雨知時節， 當春乃發生。 隨風潛入夜， 潤物細無聲。 野徑雲俱黑， 江船火獨明。 曉看紅溼處， 花重錦官城。	
88	終南別業	王維	89	終南山	王維	90	山居秋暝	王維
過關	中歲頗好道， 晚家南山陲。 興來每獨往， 勝事空自知。 行到水窮處， 坐看雲起時。 偶然值林叟， 談笑無還期。		過關	太乙近天都， 連山到海隅。 白雲迴望合， 青靄入看無。 分野中峰變， 陰晴眾壑殊。 欲投人處宿， 隔水問樵夫。		過關	空山新雨後， 天氣晚來秋。 明月松間照， 清泉石上流。 竹喧歸浣女， 蓮動下漁舟。 隨意春芳歇， 王孫自可留。	

唐詩三百首精選

編號	篇名	作者	編號	篇名	作者	編號	篇名	作者
91	出塞	王之渙	92	渭城曲	王維	93	渭川田家	王維
過關	黃河遠上白雲間， 一片孤城萬仞山。 羌笛何須怨楊柳， 春風不度玉門關。		過關	渭城朝雨浥輕塵， 客舍青青柳色新。 勸君更盡一杯酒， 西出陽關無故人。		過關	斜陽照墟落，窮巷牛羊歸。 野老念牧童，倚杖候荆扉。 雉鳴麥苗秀，蠶眠桑葉稀。 田夫荷鋤至，相見語依依。 即此羨閒逸，悵然吟式微。	
94	勤學	孟郊	95	草	白居易	96	淮上喜會梁川故人	韋應物
過關	擊石乃有火， 不擊元無煙。 人學始知道， 不學非自然， 萬事須己運， 他得非我賢。 青春須早為， 豈能長少年。		過關	離離原上草， 一歲一枯榮。 野火燒不盡， 春風吹又生， 遠芳侵古道， 晴翠接荒城。 又送王孫去， 萋萋滿別情。		過關	江漢曾為客， 相逢每醉還。 浮雲一別後， 流水十年間。 歡笑情如舊， 蕭疏鬢已斑。 何因不歸去， 淮上對秋山。	
97	落花	李商隱	98	杜少府之任蜀州	王勃	99	題破山事後禪院	常建
過關	高閣客竟去， 小園花亂飛。 參差連曲陌， 迢遞送斜暉。 腸斷未忍掃， 眼穿仍欲歸。 芳心向春盡， 所得是沾衣。		過關	城闕輔三秦， 風煙望五津。 與君離別意， 同是宦游人。 海內存知己， 天涯若比鄰。 無為在歧路， 兒女共沾巾。		過關	清晨入古寺， 初日照高林。 曲徑通幽處， 禪房花木深。 山光悅鳥性， 潭影空人心。 萬籟此俱寂， 惟聞鐘磬音。	
100	過故人莊	孟浩然	101	客至	杜甫	102	黃鶴樓	崔顥
過關	故人具雞黍， 邀我至田家。 綠樹村邊合， 青山郭外斜。 開軒面場圃， 把酒話桑麻。 待到重陽日， 還來就菊花。		過關	舍南舍北皆春水， 但見群鷗日日來。 花徑不曾緣客掃， 蓬門今始為君開。 盤飧市遠無兼味， 樽酒家貧只舊醅。 肯與鄰翁相對飲， 隔籬呼取盡餘杯。		過關	昔人已乘黃鶴去， 此地空餘黃鶴樓。 黃鶴一去不復返， 白雲千載空悠悠。 晴川歷歷漢陽樹， 芳草萋萋鸚鵡洲。 日暮鄉關何處是？ 煙波江上使人愁。	
103	無題	李商隱	104	錦瑟	李商隱	105	登金陵鳳凰臺	李白
過關	相見時難別亦難， 東風無力百花殘。 春蠶到死絲方盡， 蠟炬成灰淚始乾。 曉鏡但愁雲鬢改， 夜吟應覺月光寒。 蓬萊此去無多路， 青鳥殷勤為探看。		過關	錦瑟無端五十絃， 一絃一柱思華年。 莊生曉夢迷蝴蝶， 望帝春心託杜鵑。 滄海月明珠有淚， 藍田日暖玉生煙。 此情可待成追憶， 只是當時已惘然。		過關	鳳凰臺上鳳凰遊， 鳳去臺空江自流。 吳宮花草埋幽徑， 晉代衣冠成古邱。 三山半落青天外， 二水中分白鷺洲。 總為浮雲能蔽日， 長安不見使人愁。	